



JAMHURI YA MUUNGANO WA TANZANIA
TUME YA TAIFA YA UCHAGUZI



TAARIFA KWA UMMA

**UTEUZI WA WABUNGE WANAWAKE WA VITI MAALUM
CHAMA CHA DEMOKRASIA NA MAENDELEO**


Tarehe 27 Novemba, 2020

Kuanzia tarehe 26/09/2020 Tume ya Taifa ya Uchaguzi imekuwa ikipokea barua kutoka kwa Vyama mbalimbali, barua zenye mapendekezo ya wanawake Wabunge na Madiwani wa Viti Maalum. Tarehe 26/09/2020 Tume ilipokea barua kutoka Chama cha Mapinduzi, na tarehe 19/11/2020 Chama cha Demokrasia na Maendeleo (CHADEMA).

Mapendekezo ya Wabunge Wanawake wa Viti Maalum kwa CHADEMA yaliwasilishwa Tume kwa barua. Mnamo tarehe 20/11/2020 Tume katika kikao chake ilitoa Wabunge na Madiwani Wanawake wa Viti Maalum kwa kuzingatia matakwa ya Katiba na Sheria.

Kuna taarifa zinasambaa kwenye mitandao kuwa Tume imeteuwa Wabunge wa CHADEMA ambao majina yao hayakuwasilishwa kwa kuzingatia taratibu.

Ifahamike kwamba, Katibu Mkuu wa CHADEMA alimuandikia Mkurugenzi wa Uchaguzi barua yenye kumb. Na. C/HQ/ADM/20/TU/05/141 ya tarehe 19/11/2020 ambayo iliwasilisha orodha ya majina ya wanachama wanaopendekezwa kuteuliwa kuwa Wabunge wa Viti Maalum. Tume ilitumia orodha iliyowasilishwa na CHADEMA kuteua Wabunge wa Viti hivyo. Hivyo, Wabunge Wanawake wa Viti Maalum wa CHADEMA waliteuliwa kwa kuzingatia taratibu zote za kikatiba na kisheria.



Dkt. Wilson Mahera Charles

MKURUGENZI WA UCHAGUZI
TUME YA TAIFA YA UCHAGUZI